

Batho ba Molimo ba Tšoailoeng



SABATHA MANTSIBOEA

Bakeng sa thuto ea Beke ena, Bala:

Tšenolo 7;2 Pet. 3:9–14; Deut. 8:11–17; Tšeno. 14:4, 5, 12; 17:5; Ba-Roma 3:19–23.

Temana ea Khopolo:

“Ke ba tsoang mahlomoleng a maholo; ba hlatsoitse liaparo tse telele tsa bona, ba li soufalitse maling a konyana” (Tšenolo 7:14).

Molaetsa oa pulo ea litiiso tse supileng o bontša motho e mong le e mong ea ipolelang a lumela ho Krete ba tobane le lithlohonolofatso tsa bo botšepahi kapa lithohako tsa ho se tšepahale. Litiiso tse 'ne tsa pele li hlalosa mekhoha ea khalemelo ea Molimo ho tsosa semoea sa sechaba sa hae le ho ba etsa bahloli. Leha, sechaba sa Molimo hape se le tlasa tlhokahalo ea toka le khatello lefatšeng le sa batleng Evangeli. Ho manolloeng ha tiiso ea botšelela, Molimo o malala-a-laotsoe ho sebetsana le bao ba hlokoalitseng sechaba sa Hae.

Khaolo ea 7 e kenyelelitsoe hantle lipakeng tsa tiiso ea botšelela le ea bosupa. Tiiso ea botšelela e re fihlisa ho tšeng la bobeli ha Krete. Ha ba khopo ba tobana le kahlolo, Tšenolo 7 hape e re bolella ka bao ba tla ema letsatsing la ho tla ha Krete ba tšoailoeng.

Tšenolo 7 e hlalosa batho ba Molimo ba nako ea ho qetela pejang ho ho tla labobeli. Limelo tse ling tsa bona li fanoa ho Tšenolo 14:1–5. Ho na le sehokelo se seng hape se kenyelelitsoeng lipakeng tsa terompetsa ea botšelela le ea bosupa (Tšen. 10:1–11:14). Sehokelo sena se lumellana le nako e tšoanang hantle le pono ea Khaolo ea 7 le ho hlalosa maiphihlelo le tšebetso ea batho ba Molimo ba nako ea ho qetela.

**Ithute thuto ea beke ena ho lokisetsa Sabatha, 9 Hlakola.*

Ho Thibela Meea

Bala Tšenolo 7:1–3 'moho le 2 Peterose 3:9–14. Johanne o bona eng? Ke nako e kae mangeloi a lokelang ho thibela meea? Ho tla etsahal eng ha ho tšoaea ho phethetsoe?

Testamenteng ea Khale, meea e emela matla a senyang ao ka ona Molimo a tlisang kahlolo holima ba khopo (Jer. 23:19, 20). Ke tsela e 'ngoe ea ho hlalosa likotlo tse supileng tse tla tšolleloa ho batho ba sa bakang pejana ho ho tla labobeli (Tšenolo 16). Leha hole joalo, meea ena e senyang e tšoeroe ke bokena lipakeng ba Molimo ha ho tšoauoa ha bana ba Molimo ho ntse ho tsoela pele.

Mehlang ea boholo-holo, moelelo oa mantlha oa ho tšoaea e ne e le oa ho ruoa. Moelelo oa tšoantšetso ea ho tšoaea Testamenteng e Ncha ke hore “‘Morena o tseba bao eleng ba Hae’” (2 Tim. 2:19). Molimo o tseba bao e leng ba hae le ho tšoaea ka Moea o Halalelang (ba-Efese 1:13, 14; 4:30). Qetello ea nako, letšoao le phatleng le tšoaea bao ba khethang ho ba ka lehlakoreng la Molimo (Tšen. 14:1). Letšoao la Molimo ha le letšoa le bonahalang le behoang phatleng, empa joalo ka ha Ellen G. White a bolela, le bolela “ho lula 'neteng bobeli ka kelellong le moeeng, e le hore ba se ke ba sisinyeha.”—Ellen G. White, *Last Day Events*, p. 220. Bao ka boikhetlo le ka ho tseba ba nkang lehlakore la sebata, ba amohela letšoao la sebata (Tšen. 13:16, 17).

Botšepahi ba batho ba Molimo ba tšoaioeng bo ile ba lekoa melokong eohle. Leha hole joalo, teko ea botšepahi tlokotsing ea ho qetela e tla ba ho boloka molao oa Molimo (sheba Tšen. 12:17, 14:12). Ka ho khetholoha, molao oa bone e tla ba ona teko ea kutlo ho Molimo (Tšen. 14:7). Joalo ka ha Sabatha e bile pontšo ea sechaba sa Molimo linakong tsa Bibe (Exoda 31:12–17; Ezek. 20:12, 20), le joale e tla ba pontšo ea botšepahi tlokotsing ea ho qetela. Nakong ea ho qetella, letšoao hape le ka sebetsa e le pontšo ea tšireletso likotlong tse supileng tsa ho qetela (sheba Ezekiele 9:1–11 ka leihlo la Tšenolo 7:1–3). Ka hona, potso e hlahisoang ho Tšenolo 6:17 e fumana karabo e phethahetseng: ba tlang ho khona ho ema le ho sireletsecha letsatsing la khalefo ea Molimo ke batho ba tšoaioeng ba Molimo.

Paulose o re hlokomelisa hore re se ke ra soabisa Moea o Halalelang oo re tšoaetsoeng letsatsi la topollo (Ba-Efese 4:30). Seo se bolela eng? Ke joang motho a ka soabisang Moea o Halalelang? Hang ha u fumane karabo, ke liqeto life tseo u ka li etsang ho u thusa hore u se ke oa u soabisa?

Batho ba Molimo ba Tšoailoeng

Bala Tšenolo 7:4–8. Kepalo e kae ea batho ba Molimo ba tšoailoeng? Palo eo ka kotloloho e bolela eng?

Phatlalatso ea palo ea batho ba tšoailoeng e tšoaea pheletso ea ho tšoaea. Johanne o utloa hore palo ea bona ke 144,000 ho tsoa melokong e leshome le metso e 'meli ea Iseraele. Taba mona ha se palo ka bo eona empa seo e se boelang. Palo 144,000 e bopiloe ka 12 ka makhetlo a 12 ha sekete. Leshome le metso e 'meli ke palo ea tšoantšetso ea sechaba sa Molimo: meloko ea Iseraele le palo ea kereke eo metheo ea eona e leng baapostola ba 12 (Ba-Efese 2:20). Ka hona, palo ena 144,000 e emetse kakaretso ea batho ba Molimo nakong ea ho qetela, ho hlaha ha joale ha Iseraele ea mehleng.

Meloko e leshome le metso e 'meli e thathamisoeng ho Tšenolo 7, ho hlakile hore ke papiso, hobane meloko e 12 ea Iseraele ha e-eo kajeno. Meloko e leshome e ile ea isoa kholehong nakong ea tlhola ea Assiria (2 Marena 17:6–23), moo ba ileng ba kopa-kopana le lichaba tse ling. Meloko e 12 ha e etse bo-juda ba kajeno. Hape, lethathamo la meloko e 12 ho Tšenolo 7 ha se lethathamo le tloaelehileng. Juda e hlaha e le moloko oa pele ho e-na le Rubene. Hape, meloko ea Dane le Efraime e setse, joale ha kenngoa Josefa le Levi. Lebaka le hlakileng la ho se kenyeletse Dane le Ephraime ke hobane Testamenteng ea Khale meloko ena e 'meli ke bakoinihi le ba khumamelang litšoantšo (Baahloli 18:27–32, Hosea 4:17).

Lethathamo la meloko ho Tšenolo 7 ha se la nalane empa la semoea. Le re bolella hore ho se tšepahale ha meloko ea Dane le Ephraime ha e na sebaka sechaba sa Molimo se tšoailoeng. Hape, kereke Testamenteng e Ncha ho buuo ka eona e le meloko e 12 ea Iseraele (Jakobo 1:1). Meloko e 12 ho Tšenolo 7 e emela batho ba Molimo kaofela, ba-Juda le Balichaba. Ba 144,000 ba bontšoa e le lebotho le hlophisitsoeng ho latela Iseraele ea mehleng ha e ne e ea ntoeng. Israeleng ea mehleng, ho ne ho na le masole a sekete sehlopheng se tloaelehileng sa lebotho (Num. 31:3–6). Palo ea papiso ea 144,000 e bontša lebotho la kereke malebana le lihlopha tse 144 tsa masole a sekete a hlomeletseng ntoa ea ho qetela (Tšen. 17:14), khahlanong le lebotho la sera leo palo ea lona e leng limillione tse 200 (Tšen. 9:16).

Kamehla re ka 'na ra se k era luloa ha monate ke tšoantšo ea sesole, leha e tloaelehile ka Bibeleng. Ke joang ho bolokeng bonnete ba toantšano e kholo kapele ho rōna ho re thusang ho ela hloko hore na tšoantšetso sa sesole e loketse ho le ho kae?

Bongata bo Boholo ba batho

Bala Tšenolo 7:9–14. Ke sehlah sefe sa bahalaleli seo Johanne a se boning motsotsong oo, 'me ba tsoa kae? Ba hooa eng ka pela terone ea Molimo?

Johanne o bona bongata bo boholo ba batho, ba “‘tsoang mahlomoleng a maholo, 'me ba hlatsoitse liaparo tse telele tsa bona, ba li soeufalitse maling a Konyana’” (Tšen. 7:14). Ke hore, ke sehlopha se khethehileng sa batho, seo ho sa natsoe mathata ao ba fetileng hara oona ('me motho a ka nahana hore “mahlomola a maholo” e ne e le ntoa e mpe haholo), ba ile ba sala ba tšepahetse ho Jesu, botšepahi ba bona bo bapisoang ka ho apara seaparo sa ho loka ha hae ho phethahetseng.

Mona hape, joalo ka hohle ka haea Bibe, sehlooho se seholo sa pholoho ka mohau e ea hlaha. Ho sa tsotellehe hore na batho bana ke bo mang, e ka ba ke ba lopolotsoeng ba mengoaha eohle kapa ba 144,000 ba qetello ea nako, boipolelo ba bona pholohong, le bophelong bo sa feleng, le maholimong a macha le lefatšhe lecha, ke ho loka ha Krete, ho fanoang ka mohau.

“Haufi haholo le terone ke bao ka nako e 'ngoe ba neng ba chesehella tšebetso ea Satane, empa ba tšotsoe sa mafatsa mollong, ba latetse mopholosi oa bona ka boitelo bohle. Pela bao ke ba ileng ba phethahatsa limelo tsa bona hara thetso le bohlabaphieo, ba ileng ba boloka molao oa Molimo ha lefatšhe la Bokreste le ne le re o felisitsoe, 'me li milione, tsa mengoaha eohle, ba ileng ba bolaeloa tumelo ea bona. 'Me ka 'ngane ke bongata bo boholo ba batho boo ho seng motho a ka tsebang ho bala, ba lichaba tsohle, le mefuta eohle, le merabe tsohle, le lipuo tsohe, ... pela terone, le pela Konyana, ba apere liaparo tse tšoeu, 'me ba tšoele lipalema matsohong.’ Tšenolo 7:9. Ntoa ea bona e felile, tlhoho e fihletsoe. Ba mathile lephallong 'me ba fihletse moputso. Makala a lipalema matsohong a bona ke sesupo sa tlhoho ea bona, seaparo se sesoeu ke sesupo sa ho loka ho se nang sekoli ha Krete hoo ha joale e leng ha bona.”—Ellen G. White, *The Great Controversy*, p. 665.

E, re apesoa ho loka ha Krete, mpho ea tumelo. Empa ke joang re bolokang tumelo eo, 'me ra lula re tšepahala, le hara liteko le mahlomola? Kapa, le ha bohlokoa ka ho fetisa, ke joalong re ka bolokang tumelo eo le botšepahi, linakong tsa monate le khora? (Sheba Deut. 8:11–17.)

Ke ba Latelang Konyana

Bala Tšenolo 14:1–5. Ke limelo life tse ka sehlohong tsa bahalaleli ba 144,000? Ke joang limelo tsee li amanang le tšhaloso ea bahalaleli ba nako ea ho qetela ba Tšenolo 14:12?

Tšenolo 14:4, 5 e hahella holima tšhaloso ea 144,000 e le ba bolokang melao ea Molimo 'me ba na le tumelo ea bona ho Jesu (Tšen. 14:12). Leha ba bile le maiphihlelo ba khalefo e feletseng ea Satane tlokotsing ea ho qetela ba setse ba tiile ka lebaka la likamano tse haufi tsa bona le Jesu.

Ka leseli la Tšenolo 17:5, ke ka litsela life ba 144,000 ba sa kang ba itšilafatsa le basali? Ke joang sena se amanang le taba ea hore ba loloplotsoe hara batho e be “lithaka ngoaha ho Molimo” (Tšen. 14:4)?

Ho hloka boitšoaro ha thobalano ke sesupo sa ho hloka botšepahi ho Molimo. Tšenolo 17:5 e bua ka seotsoa sa nako ea ho qetela Babylona le barali ba hae, bao batho bohle ba lefatše ba febileng le bona (sheba Tšen. 18:3). Leha hole joalo, ba 144,000 ba tla sala ba ntse ba tšepahetse ho Krete le ho latola likamano tse silafatsang le Babylona le litumelo tse khelohileng. Ba “latela Konyana hohle moo e eang teng” (14:4).

Ba 144,000 ba tsoela pele ho hlalosa e le bao ba ileng ba “lopolloa hara batho” e le “lithakangoaha ho Molimo le ho Konyana” (14:4). Mehlang Iseraele oa khale, lithakangoaha e ne e le litholoana tsa pele tse ntle ka ho fetisa tsa kotulo tse neng li fuoa Molimo. Lentsoe lithakangoaha le supa batho ba Molimo ba pholositsoeng ka hohle-hohle, e le ba khethhileng ho batho ba lefatše (sheba Jer. 2:3, Jakobo 1:18). Ba 144,000 ba khethhile, e seng ka tsela ea hore nab a pholositsoeng joang empa ka hore feela ba fetohile ntle le ho latsoa lefu. Ka hona, ke litholoana tsa pele tsa kotulo e kholo ea ba pholositsoeng ba mengoaha eohle (sheba Tšen. 14:14–16).

Ke ka litsela li fe, leha re sa tsebe, re ka bang kotsing ea ho etsa bootsoa ba semoea? Hobaneng re ithetsa ha re ka nahana hore hare kotsing eo?

Topollo ho Molimo oa Rona le ho Konyana

Bala Tšenolo 14:5 'moho le 2 Peterose 3:14. Tšenolo e hlalosa batho ba Molimo ba nako ea ho qetela e le “ba se nang sekoli.” Ke joang polelo ee e fihlelehang?

Semelo sa ho qetela sa 144,000 ke hore “leshano ha lea ka la fumanoa melomong ea bona: hobane ba hlokile letheba pel’a terone ea Molimo” (Tšen. 14:5). Thetso eo ho buuoang ka eona mona e supa thetsong ea satane ea nako ea ho qetela (Tšen. 13:14). Leha batho ba bangata ba lefatše ba khetha ho lumela mashano a hae, batho ba Molimo ba nako ea ho qetela ba tla amohela lerato la 'nete e le hore ba tle ba bolokehe (2 Ba-Thess. 2:10, 11). “Tlhoka-koli” (se-Gerike amōmos, “ho hloka letheba”) ho supa botšepahi ba 144,000 ho krete. Testamenteng ea Khale, Abrahamama (Gen. 17:1) le Jobo (Jobo 1:1) ba ne ba se na letheba, leha ba ne ntse ba entse joalo ka mang le mang. Lilemo tse likete tse peli tse fetileng, ba ne ba biletsoa hore ba halalele ba hloke letheba pel’a Molimo (Ba-Efese 5:27, Ba-Fil. 2:15).

Bala Ba-Roma 3:19–23. Hobaneng re lokela ho boloka ‘nete e hlokolosi ee kapele ho rōna?

Matsatsi a ho qetela a nalane ea lefatše lena, ba 144,000 ka matla ba tla bonahatsa semelo sa Krete. Pholoho ea bona e tla supa seo Krete a se entseng bakeng sa bona ntle le khalalelo le mesebetsi ea bona (sheba Ba-Efese 2:8, 9). Ba 144,000 hlatsoitse liaparo tsa bona le ho li soeufatsa maling a Konyana (Tšen. 7:14), 'me ka hoo, ba fumanoa “ba se na letheba le sekoli” pel’a Molimo (2 Pet. 3:14).

“Re hloka ho hlokoloa, le ho hloekisoa bolefatše bohle, ho fihlela re bonahatsa semelo sa mopholosi, 'me re ba 'moho semelong sa bomolimo.’ . . . “Ha ntoea ea bophelo e felile, ha seaparo sa ntoea se behoa maotong a Jesu, ha bahalaleli ba Molimo ba halaletsoa, ka nako eo 'me ka nako eo feela, ho tla neng ho lokeleha hore re ka ipolela re le ba pholositsoeng, le ba se nang letheba.”—Ellen G. White, *Selected Messages*, book 3, pp. 355, 356. Ke joang re ka phelang bophelo ba khalaletso re ntse re itokisetsoa bosafeleng e bile re ntse re etse hloko hore re se ke ra oela molekong oa ho feteletsa khalaletso eo? Hobaneng re lokela hore kamehla re boloke kapele ho rōna linnet tse hlollang tse fumanoang ho Ba-Roma 3:19–23?

Khopolo e Eketsehileng:

Bala Ellen G. White, “Sinlessness and Salvation,” pp. 353–357, ho *Selected Message*, book 3. Boitsibiso ba 144,000 ke taba eo khang ea teng e chesang haholo. Se bonahalang se utloahala ho Tšenolo ke hore 144,000 ke moloko oa ho qetela oa batho ba Molimo matsatsing a ho qetela a nalane ea lefatše lena. Ra tseba hore ba tla feta har’a nako ea matšoenyeho a likotlo tse supileng tsa ho qetela (sheba Tšen. 7:15–17) le hore botšepahi ba bona bo tla lekoea ho fetsa moloko ofe kapa ofe oa nako e fetileng. Empa, ea hore na ke bo mang bao e tla ba karolo ea sehlopha seo ha rea e senoleloa. Sena ke se seng sa liphiri tseo Molimo a ipoloketseng tsona (Deut. 29:29). Ke bokamoso feela bo tla senola hore na ke bo mang bao e tla ba karolo ea sehlopha sena sa bahalaleli ba pholositsoeng. Malebana le sena, re filoe tlhokomeliso: “Kreste o re ho na le bao ka hara kereke ba tla tlisa litšomo le likhopolo-taba, ha Molimo a fane ka linnete tse kholo, tse hlasimollang, tse lokeloang ho bolokoia letlotlong la kelello. Ha batho ba nka taba ena le eane, ha ba le chesehellong ea ho tseba ntho eo ba sa lokelang ho e tseba, Molimo ha a ba etelle pele. Ha se morero oa hae hore batho ba hae ba hlahise ntho eo e leng khopolo taba, e sa rutoeng Lentsoeng. Ha thato ea hae hore e be ba ka ba khohlanong holima lipotso tse ke keng tsa ba thusa semoeeng, joalo ka, “ke bo mang bao e leng karolo ea 144 000?” Bana bao e leng karolo ea bakhethoa bana ba Molimo ka nako e khutšoanyane ba tla tseba ntle le ho qeaqeo.”—Ellen G. White, *Selected Messages*, book 1, p. 174.

Lipotso tsa Puisano:

1. Nahana ka keletso e latelang: “Ha lekeng ka matla ohle ao Molimo a re fileng oona hore re be har’a ba 144 000.”—Ellen G. White *Comments, The SDA Bible Commentary*, vol. 7, p. 970. Ke joang u ka kenyang mantsoe ae tšebetsong? Ke joang ho phehella hoo ho amang liqeto tsa hao tsa letsatsi ka leng?
2. Semelo sa bohlokoa sa bahalaleli ba nako ea ho qetela ba 144,000 ke ho bina pina e ncha. Ha u nahana ka bophelo ba hao, na leeto la hao la joale la semoea le senola pina ea maiphihlelo a macha le Molimo? Kapa bophelo ba hao bo senola lipale tsa khale tse fetileng tsa mosebetsi oa Molimo bophelong ba hao, bo hlokanang binhelo ba joale? Ke joang bophelo ba hao ba joale bo ka senolang leeto la hao la semoea le maiphihlelo le Kreste?
3. Phapano ke efe lipakeng tsa ho tseba ka Jesu le ho mo tseba ka botebo? Ha e ne e ba motho e mong a ka u botsa “Kreste o joang?” u ne u tla araba joang, ’me hobaneg?